

集部

欽定四庫全

工書目集部 洹詞卷七

詳校官中書臣孫 浴

中書臣劉源溥覆勘 總 校對官編修臣勵守誠 胨 校官原吉士臣朱 銀监生臣將

斜

盤

勲

ことの時にいう 建回隆允運分司記 運光於回隆 難六害馬商量之欺削減 宜後而議者未追也嘉靖 符恩東入於衛出回隆之 明 不利而改小難正徳

允米先期两月而畢省米一萬三千石有奇費省四萬 宜復運復則害自去矣都御史徐公讚以御史王子舜 氏領是事命其屬撤小灘之署而改建馬作户部分司 耕沈子奎上其議得古允行明年卒卯分守祭政周忠 官銀布政使陶諧氏按察使林大輅氏議曰水利則運 布政分司堂題各如制作廠三居米閱三月工成是處 而得進狡奸取贾西逋子婦入殿而竊法格異省價貸 分糯米之售石償三斗牙用十金而私一役夫重賄

金餘金二萬兩還帑於乎政以宜民而已矣俗所未厭 果究源作政二長之明費省工堅分守之嚴采長器能 角而立夫小灘失利運軍益征於矣物聚而民生心利 都御史之公知府王天民及其寮奉憲樂仁刻石載成 怨者之口運復可害也是故隨時勤後戒其濫役先事 巨而強欲擅漳水善徙衛水易於獎矣以屬乎之弊當 勿棘改也俗所不安勿憚作也利與害因而生法與數 明禁決其必戰尚亦永利哉是舉也恤民倡端田祭之 洹词

皆其心之不欺馬爾所遇弗與馬心不欺斯達仁矣仁 之功臣其澤減山之佚人其事機各能昌盾顯匹其國 夫天地之大德曰生人心之生理曰仁彼秀之實棄在 之達斯毓和矣故曰洋洋乎發育萬物直其盾而已哉 永樂中建安有城史先生李公名埜字士林莊毅質信 而予銑附末議垂後警云 野雪霜所推然東春即達蓋其生性存馬爾是故古 嚴叟先生李公差表

息不責得陶人味覺直數萬不與爭疾革語其子勿作 盗起民避而奔山遂相攘暑惡少聚謀将犯高山公居 之行鄉人式之慎保儉遜之訓子弟服之正統間沙尤 中公有子曰柟修公之德有孫曰黙發公之積起進士 佛事第焚逋券於乎豈孔氏所謂造次顛沛必於是者 左右勿追家雙嗾其奴殺公之驢乃飽以驢局貧者負 憲惡少散去又請諸有司撫而平之有盗竊其廩公止 鄰境往此之回汝欲得米何乃蹈死指国示振諭以典 くこうこう

為封部即中行故而安文美而典他子暨孫凡數十 金只正屋大書 其能行澤引與為汝之表華之楊哉 大志才識逸邁其尊人樂靜公母孫太恭人來就養望 正徳中我豫十人仕而敦友孟望之氏年最少早學有 諸友執觞以從子禮稱慶堂上樂静公修眉珠報 之方為行人禄入貧薄居室庫監而又守康歲時鉄役 贈食都御史孟公暨配封太恭人孫氏合葬墓誌 銘

大きりなったいかり 享萬鍾者望之選御史中尚在試職上疏乞罷台鈔匪 北還再起為山東祭議公引大義令勿固私便是圖望 友各出俸金以佐望之謫桂林教授樂静公戒其善保 節是時家無石栗可供獄費鴻臚王宗哲毅然倡端諸 樂静公曰臣分然爾弗為戚太恭人憂子之難而偉其 終後望之起為湖廣僉事一夕念二人之老明日拏舟 人勿使乳天下知必得禍顧義激不自全果下若廬治 人怡顏豐容消灩腆美壺觞充潔夫婦父子陶陶然如 洹詞

静公大父云以戰功積官千户卒子勝嗣調武成已調 童者為元保定路達魯花赤洪武初從戎水平衛實樂 太恭人封如今稱十年春望之自南院改治河使還家 之入官六月而公卒是為嘉靖元年某月某日生正統 金少正是人言 信陽再以功晉指揮儉事封明威將軍配劉氏封恭人 已未享年八十有四九年冬新郊禮成贈樂静公官及 一家奉冠帔上太恭人壽太恭人疾已不可樂三月十 日卒生正統甲子享年八十有八孟氏金山人諱真

葉疾比心欲遂之恐公不可以語郡守守曰吾固聞孟 田闢而屋溢樹後兄及二弟有異志樂静公不能止乃 久下可事人二可一 況有命乎母劉失明性益忿躁樂静公遂意奉向每進 及百家義兄端任父官明威早樂閒淡樂静公專家業 公高誼當不負君公聞命即諾且語來媒者曰即葉君 食必為加食少與舉人葉永若遊欲字公女配其子會 自取荒陋者罔私釣金尺帛或難之公笑曰富不如義 四子樂静公其仲子也諱山字宗岳生而英介好書史 短詞

得性可也外尤可指鼎食益災必也望之叩頭曰洋敢 朝夕戒曰洋和兩僚勿競恤兩民勿凌內省不缺貧樂 室唐子亦四江沂澤沛太恭人子之如望之云孫男十 梁山孫女十六人魯孫女四人太恭人常居望之宦所 三人梅舉河南乙酉鄉試朴才傷而天女二壻葉景昇 果成太恭人明達有士知公前室表子四澐瀛潮淵側 有不諱吾又當字其孤葉氏聞之喜而起告先祠曰吾 死可矣諸生四五人才而貧公館之閉其室令學馬後

部 孫子 自隳韵母憂是年某月某日啓樂静公之兆以太恭人 科墓在信陽東郭銘曰嗟孟父嗟孟母偕徳止厥有社 祖之慶田入頗豐憂患稍定銳及兒汲恪建兹堂規制 事未遑修稱先考退位始有此屋往因先妣之亡命作 我在遷都七紀於今我祖拙翁以旅我考以任闕哉祀 アノスンコラロンスコラ 三代神主久棲庫閣香火弗虔兹者何天之祐申以列 祠堂成告文 洹詞

器用咸則古憲寅合族人肆陳牲醴奉遷各主永安斯 太史氏馬子仲房自泰中歷晉陽踰太行至我後渠請 慈猩瘦罔仰失墜 育斯教之方義倘賴先体得堪付受即界主祀代其諸 其私仁所不容心則奚忍今宗子士棕髫年失養針取 所銑次非宗子德愧哲孫欲須合禮懼益愆年協義犯 分冒罪申情自惟叨有爵秩少次先人食忘其報禄裕 萬泉教諭封翰林編修馬公墓志銘

金ケレんと言

をきることかり 於金會金被攘去諱仲謙者率少子渡河殺主者金人 於靡極豈馬子以予顫直不溢美將使後代徵其言乎 銘其先令君煙山公銭受而閱馬子狀事核偉詞可顧 薛聰字士臣一字希桓生五年失母鞠于繼母談少不 **跅弛思母必泣父及後母撫愛至十六歲州太守選為 廓其家永咸以耆徳膺詔稱壽官再取姬氏生煙山公** 占籍馬五傳而至東吉東吉生震震生永盛東吉能恢 乃撥其凡著于篇馬氏山西臨縣人宋金構亂綏德沒 洹詞

突入公乃就縛閱數日討兒中寒疾死瑞教討兒文源 **媾即下瑞速公瑞親統兵卒五百圍嵯峨第公自省七** 金グレたんでき 其可緩圍薪濕不火瑞夢人獲公者重賞無賴王討兒 過遭劫恚而提刀將出辯已而悔止族人然院中積新 逸至是瑞移文副使張偉謂公率徒篡囚副使與瑞素 親授徒成化辛丑州守張瑞連考馬氏無罪者三人死 弟子員治周易能通諸家書後四失學思棄去事力養 公痛極矢言呼天瑞大恨會公族人書先以事被係而

治語旨趣傷永聖文情與解發通朗敦行公本忠信孝 淮乃雪之復為州學生弘治戊申歲貢如京試得夏縣 **昧與起坐蘇中生徒拱立聽說經夕令宿號房夜分往** 訓導丁已進萬泉教諭公自為學生已授徒作義必自 **稽勤怠厥明勸懲雪夜諸生度公必不出有弈者公聞** 弟凡稱門生者俛仰顒顒不俚不佻多成名及為學官 刃列屍额告公拒捕坐死刑械送副使治臨發送者千 てきこうこう ノンニュー 人歎哭聲震品谷後四經臺臣手不能理甲辰御史張 洹詞

金げにん全書 校射習律修朱氏禮兩庠生皆传佛喪則自著儒衣冠 振今聞者改容以侍御史姜洪言事繭夏令為民所誣 朝廷惜才不可聽令去簡肅公遂特薦姜後為名卿萬 列鼓吹自寺門迎經戲至喪次斬車發賓戚為孝子掛 泉尤號鄙野公懇懇惻惻以教為析章句文動止暇則 母泣請都御史張簡肅公意可之公越培進曰如公為 **共聲痛斥之見上官不能為倪禮有問答言侃侃陳古** 公率諸生話上官白其冤事得釋姜令臣倦求退以老

采公為陳周孔之典仁者之愛言於縣令正身宣化俗 次正四年に 三 之急雖勞不避訓導馬有母喪公以齊夫銀數益轉馬 之後也自上不可惜然吾心無窮馬公修膚玉立嚴重 然遭喪毀幾減生既禪作祠堂祭會祖以下曰吾別子 念公亦貧不受公回郭元振范夷夫何人哉君乃輕重 乃革云公耆年念壽官公耄致仕歸奉養慕戀若沖孺 喪而守小康邪姜公遇難事必咨公遇思出謀當實可 有威與人言洞見肝腑喜揚人善亦好面刺人過赴人

氏稍嗟乎貪人毒於封豕忮心慘於利戟瑞之陷公蓋 子曰汝駿州學生側室王氏封孺人三子曰汝驥即仲 房也翰林修撰曰汝驊曰汝麟女子黨出者五王出者 月戊寅卒於寢舉善部子及源達命配党氏贈孺人 **丞所陰送者怒不食而入公年八十有五嘉靖已丑二 鳃將赴內廷試僕具早餐有肉汁公詰知為同旅嘉興** 行或梦訟不解容訪本末以告在京師資竭矣猶却泛 将某某孫男子三人女子五人卒之四月庚寅葬党

索入喉中隱隱呼採我採我彼瑞者何利哉太史氏方 辯有惡如瑞而弗戮將馬用之彼哉彼哉方公被係諸 畏形其惡與臺臣之設所以伸抑擊残有冤如公而弗 升屋呼罵其父曰汝張狗尾奈何害馬先生瑞怒已知 讀書祕閣即敢言止上南守謫守澤州後遭今天子録 其病心鎖置獄一日瑞悲子病不差其女方八歳在旁 生日造岸問難公啓部雕慎忘其徽纆瑞子自其鄉來 Mand List 曰馬生獨無父母乎瑞將死見馬氏數人自甬道負黑 洹詞

報馬氏者減哉為矣銘曰有横其逢賢哲離之風以家 載闡玄倪圭璋明瑩珊瑚陸離我級銘章翼爾幽里百 獄明刑還我冠裳貢諸明廷祖來介介甘脆必却安定 怨我易可師有貞馬公罹災无妄被何人斯恣此欺訴 循循育才是樂中丞為士縣長問政我謀既忠彼名斯 夏侯授經鄒陽上書園土之安何啻林居英英張史用 令及者而還幸云奉親放志山麓行吟水濱煙山之集

金岁でたべる

卷七

忠昭賢還諸史館其文章追法周泰為我明作者天之

世而下考公全優 三生誌

生顏敏為文善發經古其父倅予郡王生衣惡而徒人 不知為倅之子子家姐故置酒王生匿避不與年甫十 正德辛已鄉寧王生培齡從其父居相從予受尚書王

五他友侵語笑而受之嘉靖丙戌武安韓生永齡輝邑 牛生世昌來從予受春秋年皆二十有二好樂古學思

洹胡

企聖賢之武韓生詞藻清麗牛生孝友交人先懿知所

人でりラ こう

悲且不泯其人詞曰有懿王生天錫敏才妙悟清言匪 生疑予深其可付卒乖所望有志之士或數十年而 金をしたとうこ 乎三生少年而慕我道矢願得傳善識吾言不迂之而 卯秋年二十有七死牛生妻從死父母慟而相繼死嗟 生丁亥冬天死年二十有三韓生舉河南戊子鄉試车 志而後與王生年二十有四舉巳丑進士是秋天死牛 人或歷十餘郡而僅有然拘於質奪於僻好者十人而 九兹天又毒之奈之何奈之何予各該數言以洩予

柴京邸之庫居與子偕何義不示何疑不開雅矣韓生 聞子有談我意用熙我窮弗試爾其弘之牛生循循瑾 經豈文謂聖可師嗟嗟季周列辟放恣幸有假仁少振 其食有恆其複弗為華炫貽厥文機員笈來從渠上東 自學能翼翼其躬禮東形骸芳言絕口不報嘲訴有觸 Carla Linking 周吾其久衰嗟嗟此心日居昭兹用我之的輔世公基 頹靡惟聖惻馆子其禮而彼麟為祥胡為來哉我不夢 **厥禀實奇爰出鄙邑乃求大資渠南之遊日夕孜孜謂** 渔詞

一金少口屋人 其可板躋温温者度言則祥慈刑家之考爰于其簽此 睢擇友而交恐損而終聖止雖遙有階可稽級斯拾升 握瑜懷抗志伊何千丈之臺容修置隨行慎堂齊華養 長之亦遲干霄之木歷年百斯縣風悴之曾不踰時謂 苗霜冽火炎王**燼簡推浩浩三才匪賢孰維生之孔**艱 **幽三泉從之若能嗟嗟三生咸在弱齡各賦美材元賓** 二人豐品器蠲朝慕夕戀婉婉孩提敬事長鄰弗敢睢 居實斐然可裁溢馬已矣韓朱動哀我呼穹穹蓮何不

|時有諱遜者以元帥鎮大名家安陽生長長生珪珪生 如志兮鬼鬼無損無餘溢於九垓 之差惟道之然我其力為惟遭之戾幸云價來心兮烟 かくさいつうしんこう 一 佐元萬户生怜怜生旭旭生克恭克恭生時國初北平 相居午衢亂則戎馬衝然故家百乃遺一二張氏自金 天無知胡為而滋謂天有道云何其苗惟人之勤惟化 **金事生達善達善叔子會會生孟賢南京職方郎中** 張處士墓碣 洹詞

椿求異居自後有事呼弟同度有酒內必延致弟猶疑 秦中俸金葬父嫁二妹買屋以舊産歸叔然資遂竭弟 守勿擾謂其父康臣也必無患果安年總二十餘已出 扶柩還安陽舟泊水渚夜風盜乗之掠人君令舟人静 金にしたんない 部却夷僧私魄土珍及郭指揮縣金郎中公殁于官君 陳氏成化丁亥四月二十六日生張君諱柱字文輔幼 子生郎中公不可舅氏欲襲成之君不忍欺從父在南 習小學儀大苦銳舅氏李公彦實関之代君出栗為國

於途君之戚弟有貨居牛房君不往干配李氏給事中 沖之長女能通孝經論語又習昔人孝義大畧問所談 厚遇君之子云君方面豐顾容止問雅見者敬之性斤 君有私財頗恣嚣傲君受之不愠後弟悔乃更親君又 君或未諭事姑處娣妙皆有儀君亦敬愛之君嘗大 出沿阜而行員石炭易米子承入城以衣質栗凍幾死 薪携壺諸賤役無不服居永和時大雪雍廬君穿實而 斤自重寡指慎與所交皆博方士居貧自食其力雖果 洹詞

金りロアルイラー 愛惜器具家人偶壞之必戚然君戒其不務大而惜小 長兒承有傷才且修志撰自幼君及李事事誨以典承 怒叱李解優李跪而解之醒大各其失是後醉愈恭君 九月五日卒年六十二李氏先公二十九年卒年三十 側室閻出三人承葉承萃承蓋女一人君以嘉靖戊子 呼承輩責馬李出男二人承弟曰承英女三人壻某某 君卒兩月為後十月十六日合葬祖瑩之昭承從子遊 李卒繼室以劉氏劉或過責承軍君面諭劉以慈乃陰

截截不可防只永載子文警被貪鄙 故為論著其由銘曰武率之裔大夫之子甘陋是居終 人でしていれる 夫尊者之康易卑者之康難齊土之康易腴土之康難 蘇之饒邑也君咸運租十餘萬又奉檄總運蘇稅百萬 今夫奮袂而趨拔劒而起匪利之驅伊孰與已東平乃 貧以死匪直康臣視賄如病猗我相臺舊風孔美有石 有間君者其難哉其難哉君由太學生授嘉定簿嘉定 經歷閻君墓志銘 洹詞 直

實郵人後或居鉅野或從魚臺居魚臺者又從沂州至 還既禪不仕間氏五代時佐唇莊宗封太原王曰寳者 曰大公者始可譜云大公生貴自沂遷東平貴生宏配 隱狀再改沔池沔池洛之朴邑也君臨以簡得獄巳事 劉氏生君諱縉字文静成化癸卯入太學弘治壬戌簿 易如談笑當供萬軍之餉辦而無棘晉光禄監事再晉 今官部銀在道巨盜橫掠獨不逮君衆稱神凡丁母愛 石君持以康僦直不溢禎計不售又摘殺兄之弟致其

金牙正月八十五

嘉定正德丁卯韶革江南散員改污池乙亥監光禄庚 數價其負息君歸貰室居買簿田二夫以祀且食配張 氏王氏胡氏長子鄰舉進士獲鹿知縣次士元早卒女 辰在運司嘉靖甲中禪君故富豪其弟教逸而貲敗君 卯冬十二月戊子鄰冒冷策贏來後渠徵銘戚戚樂樂 六日嘉靖庚寅十二月二十四日卒享年六十有四年 二壻許東髙馬斯臧孫男子二人生成化丁亥正月十 Krind in Chita 思永其先人之德愧子不文銘曰塵弗汚王鳳豈啄膻 洹詞

一金グロルノー 夫漢人倡行而衆所從宋人議道而各有辯故言之細 操爽然白珉利誄彰厥卑官 朱子白沙之學主於静其言多自悟敬軒之徒無聞馬 有够者心有臨者天伊何竊位詐廉取名我愛圖君属 有陳子白沙北有薛子敬軒敬軒之學主於性其言述 而甘泉湛子元明學陳子而益恢之一內外合事理表 不若行之疏也累於高不若基於卑也明與志道者南 樂友贈柯遷之

天子四事人之与 他也惟古是式礙於獨也將今之宜濟於欲也柯君柯 远兹八年甘泉弟子柯君遷之奉使至都柯君静重而 待以師友之間而甘泉以弟遇我歲甲申予棄官還郡 顯程子之書告君授徒炳哉達矣銳與湛子聯第同官 之愈艱注之靡的求之文字益支夢也存之間冥轉恍 而開其暉也耀空積激而決其流也奏海斯吾道之復 有儀通朗而多識又聞仕而同志者凡數十人夫鬱久 而明化之昌乎予也學之三十餘禩其齒五十有四進 洹詞

變改迹之左弗可中動君子慎乎其創而艱乎其倡者 矣皆有肇開文治之風馬漢民淳而禁罔疏文守修其 昔者蜀之俗夷得文翁而才矣閩之習鄙得常衮而雅 **賣唇尚靡而吏治詳常使道以學故常因之襲難與言** 器業麻直達茂林富材斯見其學之與哉 君緊為我問道於湛子柯君稱其同官楊伯修氏之守 介同門將卿實氏之契道是故羹調於兼味音合於輯 送站聲父守承天亭

次にりっていち 嘉靖己丑冬子汲承予志改臺居之對舊房為家熟 今上嗣太宗十年思其潜邸之號未升改安陸曰承天 超武濫矣其貴節 體勢尊矣其貴安州邑增矣其貴風冗務擾矣其貴省 自州曰府天官氏擇才臣為守始子自地官大夫往聲 臣仕集矣其貴幾風尚錯矣其貴齊文學織矣其貴敦 父厚直而甚文不麗權俸自致聞譽尚能服此命哉夫 崔氏家塾議二首 洹詞

金がらたる言で 夫之私塾匹民之子弟而祀王母乃偕乎宜書先聖孔 之主當何書夫王祀之尊久矣施諸公官有朝典馬大 夫學之有祠何也致嚴也修敬也企武也子汲問先聖 謀訓之法刻石垂後 又後為樓缺費不能一成至壬辰春而茍完予述祠之 子尊其道馬爾若夫顏氏之四配濂溪而下之五儒其 屋不滿三楹其宇髙不及丈前為燕所中為堂後為祠 祀謀

善範乎後其書放諸科舉可忍而不俾有乎汲問他無 述程弗清許魯齊肇修紀尚行克立又皆豫產也其祀 諸後之儒述作當馬言稱赫馬匪特三子而已然夫子 病周之文從先進回野可矣是故不獨舊不街博而奇 ストラミーという 曰詞之典不樹黨不耀名不襲功而攬美曰信之周 可班者與夫司馬公言顧行立功以德尹和靜學為己 不浚心不略外曰學之夷不尚玄不媚聽不奓論而粃 訓略 洹詞 九

養其志意端直已習對核名究義已誦書至西乃散教 書各就乃能已習字學顏魯公帖既法其字畫嚴勁因 者可知其怠詰而進之已授書不過一百五十字已講 對類隔為師者展興端坐擊鼓升堂諸小子拜已問其 草木鳥獸器用之名其條具於吕涇野小學釋及通梓 習禮誦書學字歌詩令之教有作對因習知天地四方 夫小子之學其行愛親敬長事師其役灑掃應對其藝 日行所教上項何善有疑礙難推者為解析其漫無述

詩亦可以沒其呼吸而超之祥定習禮亦可以竭其他 御禮客夫小子喜呼吸而少舒徐樂佻達而少強遊歌 進之二南及鹿鳴之五三日一君禮禮用本塾釋真儀 之衆乃和之詩用孝順三十章及邵子子養親六章漸 達而反之周謹 本家節祭先祠儀及吕氏鄉儀漸進之冠士相見禮射 クスこついたんにい 以歸家見親暨長省倭之儀日中令羣立歌詩一人倡 寧山楊氏族譜序 洹詞

有之此克似之矣今之武官猶古之典也而以侈縱隳 日章日儀譽實之修也章行之裳也儀徳之跗也君子 舊世絕宿望廢賢者之嗣不敢自替而若三英馬曰譽 繼位否則禄之故賢者得竭其忠而民獲依其此及乎 之涼乎先王崇萬極其當貴仁慈敗乎昆蟲自居日賴 多賢成之非眇躬所自能是故延賞之典行馬嗣賢必 子讀詩至家裳者華數日懿哉先王之德乎究哉後世 小人得志世主如其諛佞彼則植黨自固沒幽致巡而

金りでんときる

大三四年二十 其業者什之六七寧山楊指揮顒以賢聞位禄兼享又 之殍蓋萬石云有司薦於朝樹闕表善又各授武帥之 把更張廷恩民暨其子希仁希義凡三出栗以採鄉鄰 英是故樹功長譽譜斯重矣敦疏恤匱譜斯行矣 修其世譜肇於仲得者徵之始也詳於欽者官之始也 録其父女歸略於甥不妄附不溢稱可以占知其有三 自是而下五世矣重適不遺其支紀出并標其配內婦 沐恩堂記 洹詞

| 獎久而成宜節其注問里之豪善牆而多田義賈而豐 貪如曰益用凶事又何訾矣嗟乎勢流而歌笑爭其形 式願輸其家助邊相弘不然惡其逢君之荒圖而滋其 其變刑鉤力致而民莫肯登其有張氏信義人哉昔卜 憂於荒處惟臣遺其君故施於民者悖常則易之棘御 政均授作勤薄用厚積古謂畜一於三畜三於九夫何 其友黄秀才實甫咨可於後渠夫惟辟育民為臣數其 街布義字天秋浚川公所名 西岡義士作茲堂以承贶

積異夫雄奪刻克者斯亦邦之實基緩爲馬仗近時能 哉明與至成化弘治之間治治而熙物大以隆氣象官 皇極之道子無偏無陂其平乎臣敷君德已人乃羞其 吏雙視竭漁必至舉郡俱困而當患坐亡詩曰中谷有 ラスコラ ことう 銑也讀書至周文公之語曰天壽平格保又有殷曰斯 行而邦其昌其格乎富而壽壽而康永好攸德於其休 推獎其濕矣可慮哉可慮哉 大司徒李公八十壽序

鬱然稱名卿矣石樓公方介而容愚明練而好鄙嚴法 而優人才文以敦殿殿乎上世之風我沁水石樓公鬱 及者年而遊大官優游鄉邑涵泳道藝餘二十年春秋 而怨迂情別品而録細長憲臺見其裁吏部見其文司 右國也必福其壽俊馬淳應之儀以定躁也博引之度 徒見其精博聞持鑒善賦存教表顯往哲刊布遺書南 以刊隘也古徳之稽戒用臆也天謀之出代逞智也丘 紀聰明益達智慮日長齒可噬腊目能作楷夫天之

一金ダロ 人人書

聖之安警貪位也進退之裕過,棘登也詩曰視民不恍 林君子萬年式玉式金 瑟孔和公之樂矣云如之何又歌曰琴兮寫心酒馨暢 琴以無樂嘉賓之心是故身潛齊楊而標著乎四海德 君子是則是效我有古酒嘉賓式旗以教又曰鼓瑟鼓 代其鄉人領陳古章而為夫斯民禱歌曰有酒如波有 修曆昧而流光於萬世銳石樓公門下士也樂師模而 靈寶楊生暨 妻康烈婦基表

うくてしりらしいよう

洹詞

金らいたとこ 註後頗好晉江蔡清蒙引為其善析朱學尚無縣陋彼 神明神必錫之後其亟於側室馬圖又曰兒與康氏婦 幸全者年二十有六得弱疾且革呼其父曰父 行不負 我豫大忠襄毅公之女宋敏而向學能文章治經自宋 政使其德沈毅方介南五十被讒還靈實其內子孟許 楊宋字象賢南陸君之少子也南陸名惟康雲南左布 以正相規素已意必殉兒宜慎防之辛卯十月十五日 死其姑見烈婦之毀知其必求死也百方其能解乃請

毫等死死贞可乎明日南陸喻之曰汝女總四年呱呱 生一日一日負夫諸況婦侍夫疾踰年已察與死隔秋 |益者烈婦口長姒之孝過婦百矣伯兄治命令母死婦 7/21/101/11/11 且長奴在何患乎無母獨不見從母仲許乎徒自苦州 娩娩幸若長之娱吾暮齡烈婦曰幼女如泡期豈可執 自慰者幸有汝長如暨汝古云可以無死曷就其大而 南陸责以義冀或可緩南陸約其将南汝澄垂簾喻之 曰事夫養舅姑均婦道也吾與汝姑衰暮四子俱天所 孟

金りにんと言 婦曰婦不難以死從大馬知名為何物哉已陽若陰移 年爾從母者普氏婦既孀喪其女又明日南陸喻之曰 神定體安手足不震宋死纔六日云少宋三年烈婦武 其志者家稍緩防遂飲藥絕時目睛暴列面亦如赭然 上事云又曰詩讀史見古人仰樂及誤中者多忿躁何 死暫易久守難汝苦節至白首貞矣何必專死成名烈 中為從父楊氏嫁甫廟見從奧死南陸內弟詩道鄴述 功康郎中浩女南陸少女嫁為康專妻專對山長子郎

天とり車!! |妖之故言惟其當而簡告人以善所望就其能規人之 之君子言馬可乎曰不可若是其恒也昏難之啼人則 君子默馬可乎曰不可若是其恒也鐘叩不鳴人則廢 哉難矣哉 也逮其藥也所圖成也於戲大賢之能女子閱之難矣 此婦之舒也予曰分明而心安志決而往利夫專則石 可没羽勇則日可隨戈況發於義邪方其生也惟死計 慎言集訓序 迴詞

精中古訓乃允蹈之 教子子發其力於言乎指疾列方樹標直枉倫類區別 易而罔不試故也故曰本之則無如之何歲辛卯夏予 心表行而已矣失心之言荒以肆無檢故也怠行之言 過其誠浮於詞析疑母質陳義稱古夫言將何為哉聲 古超條贯今年壬辰夏教子督學位都過我家熟教子 **稼於柴村憲司李子繼先寄我慎言集訓覧而説之曰** 肅括而安明盡而婉予私語諸生曰敖子真人師匪徒

及足口事心時 許氏系出周文叔傅至許伯為楚人後世遷同川再遷 其臣子之情故曰春秋者性命之文 禮五等之君國人稱之曰公禮儀魯處稱公是也列國 國臣子之解也尊也聖人貶諸侯之僭皆當乎禮亦伸 之君稱爵書卒從計也告之他國馬議也會幹稱公本 道碑 太子少保吏部尚書贈太子太保諡襄毅許公神 春秋薨卒解 洹詞

一始出按甘肅岷州土人利番夷貨潛相結姻夷因之為 寇公相險要設橋寨分兵防守又諭令罷姻邊乃寧故 經舉成化丙戌進士已丑授監察御史再遭母喪し未 生許公諱進字季升號東崖甫十歲通小戴記遂以是 寶傳七世為教諭聚取何氏正統二年丁已五月三日 唐髙宗祥在家乘金時諱威者為兵馬都元帥始居靈 長安由隋唐來至金元代有聞人敢貴封熊國公及相 大司馬河州王站族子誣奏其不法公辯而明王公不

たとりまれたら **戌百口至京已成獄憲皇恐冤之改命法官獻衆皆惴** 仲珍擊直珍竟戍遼陽公奪俸數月道士以黄白術干 冒賞兵部阿附奏行直誣愬珍部逮珍下詔獄公抗疏 湖廣總兵李經不售誣首經潛招夷軍為亂直奏逮李 法司事巡按遼東御史強珍劾俸閹汪直妄殺戮平民 陽官為熊遊所費又巨公劾罷之革濟寧諸閘濫役夫 三千人自究治貪吏豪徒餘望風奔息已亥還京掌三

致謝公亦無問遺云戊戌按山東祭政某役問夫修華

及暮散武人兒被殺且無首官坐生罪已誣服公察生 第公里守不可止東昌武人兒懷金與所厚生飲肆中 瀕行却李經饋謝千金癸卯監秋試諸使置貴臣子於 計害公無從偵除壬寅八月滿三考晉山東按察副使 辟公列狀以上即日際道士於市戒戢直緝事者直百 戊申正月晉廣西按察使二月晉右愈都御史巡撫大 歷酒人以殺之次日易布一訊而得內首空桑中弘治 不類凶人私計必酒人所為貧人得銀公易物通閱商

次是四年三日 事寬簡或問何乃異昔日之嚴公曰彼為法官兹則有司 奏鎮守中官石城倉恭反被摔车亥左官兖州知府莅 於尾塵翳障天烽火日夜相然比解去不亡一鉄云劾 彼不知者將謂予乗威雲下否亦曰憤悶不堪甲寅十 **帑金二萬两供費浹恩而飭備計沮而罷庚戌大入蹇** 同朔漠小王子欲寇邊先以千人暨馬千匹入貢公請 列管三十里號六萬公因事發謀中厥理緒馬行係帚 月晉陝西按察使乙卯甘涼邊警孔棘孝皇命大臣

加之犒賞厚撫苦峪遺夷俱願效死十月公以總兵彭 遣辯士說罕東赤斤小列禿野七克里宣布朝廷威徳 羁住告峪故邊患幾歷二紀公曰以夷攻夷古云良策 客封脱脱為忠順王羈縻眷屬捍御西戎後與吐魯眷 清將兵七千出嘉峪關路調亦斤罕東諸番為聲援清 王陝巴占據城池阻塞諸者貢路掠至瓜沙哈客遺夷 為雙其頭目牙蘭老而機警率眾謀殺哈客都督獨其 往治弗任以公為愈都御史巡撫甘肅初文皇招降哈 ちゃりこと かかり 接恣横公數禁之一日同舟泛陂猶責其惡瑯不遜公 官鮮克敏事公今日籍所理每季稽其實太監劉耶恃 遂定丙辰八月進副都御史九月詔巡撫陝西時巡守 器連結罕東諸夷以相接離吐番之與夷孤其勢西域 綏緝是務豈計功代邪令隷遺夷同置故城給牛種耕 欲盡戮之為奇功公曰此即吾人奈何殺之别吾來此 吐魯番數百級牙蘭夜道獲脇從者八百人總兵劉軍 率所部及番兵之半深入二千里攻哈密故城克之斬 酒詞

爭商限所掌孝皇仁孝恭儉禮賢容下每痛孝穆太后 端公為司徒協恭合力大釐國計朝政不便者上章諫 同奪之柏氏本亦妃親奈何不念先皇而奪其三十年 君之子今以丘聰等田賜戚氏雖蠲原稅非聰等心實 銀三分獨以五分厚戚氏是恩有偏施例為徒具民為 上懷求其族不獲乃施恩后家但益其富弗假政權而 奮拳擊之墮鄉水中丁巴名為产部右侍郎太原周文 公及文端公志全主徳當上言東官親王則例每飯徵

金りしんべき

一次 王四年 上き ·薦章凡四十有八乙丑六月武皇即位始名公遂晉兵 助來求公堂杖數十權要請討非格成報罷數上言京 皇敏學止遊師古仁聖君而戒彼荒淫者一京衛官以 嚴大造飛語六月降古師老事拗勒令致任自後羣臣 部左侍郎明年丙寅四月始詣闕五月晉尚書疏勸武 民間內糧養馬者宜令照舊管業不得行四月命無食 之業子原中春命勘河問戚氏莊田事竣抗疏言實皆 都御史提督宣大軍事貴臣子弟從軍俸功者不樂公 洹詞

亦無大過奈何真諸死此屬日夜牽都衣環泣上為能 禁左順門傳旨各部院大臣樂曰此屬上少所親倚今 道上盤戲請誅之期在必克公語同事曰此屬得疎斥 奈何以軍士當之十月初問部臺諫共刻聞永成八 餐諸臣錯愕莫對公曰上富於春秋方當講學恢先帝 足矣果浚其事恐有甘露之變是月十日午刻太監李 撥軍匠數萬今為內臣占令內錢運灰及磚罪人罰贖 軍工役之苦且曰永樂問大建官殿定撥班匠十萬借 大きり しいる 補即中某點屬永成乃斥守黎平即中李達件太军出 守夷方乃改杭郡工侍某同公里問託閥祭求改吏部 及郎中某員外郎某偕結與援必親京秋公一日悉外 之業乃為此曹所誘逸久成荒何謂無罪祭日上行遣 已加太子少保公直聲久著風裁俞峻御史集滿三考 瑾出管司禮文臣慘禍往往自殺十一月晉吏部尚書 上左右邪榮入是夜内閣劉文靖謝文正致仕明日逆 之諸公第歸幹國吏部侍郎王公鳌曰如不遣將復留 洹誀

欺豈竟殄世於彼秋感疾八月十有八日終于正寢享 家公不懼徐曰吾於國罔功馬敢責得於天然反心不 格所私積怒叢讒乃起安定張綵入文選龔問公戊辰 子在翰林者調外任庚午二月瑾及其黨造獄必覆公 法嬌古令致仕又摘公推薦雍泰為謬削爵為民公二 公對眾面語之曰君年尚未秩已不早循資而往不憂 不貴乃託斯人速化乎逆瑾街公日甚而輔臣畏其沮 月推署員外部劉吉為署郎中舊典也瑾謂公越選

祭對孝皇實録補續缺遺分在户館閱公及周文端公 久下の事人 **徳初銑在翰林讀中秘書親見公事戊辰銑叨充史官** 部讚户部尚書記詩舉人詞誌論户部主事女三人婿 高氏俱贈封淑人子八人詔舉人先公卒語吏部右侍 宅陳察奏謂公行應諡法賜諡襄毅公配張氏先卒繼 右布政楊惟康普曰利趙汴孫男十人某某女二人正 年七十有四九月瑾伏許部公致仕已遣官管葬贈太 子太保嘉靖五年冬席文襄公在禮部覆議御史陳克 洹詞

|道推賢敢為公心賢長安雅泰數以已官讓之公平番 語不許及政故銳今敘述有二君未致詳者銑在後果 |編修二君仕巳十年明直清約名出縉紳然公家庭之 部時次子語為左給事中讚為御史成典大臣不得任 封章每彈指太息曰斯謂古之遗直世之標表公為兵 與子弟門人商推古今相業僭評公德有四曰昌言直 自有記他所赞楊已威兹獨撥其係時運切治體者云 子為諫官部用耿清惠父子例改給事為檢討御史為

アンドノ じ・ん たっこし

からいついったいかい 震不及躬天克有定燈燈來嗣佐我嘉靖 心可事百君世之趨競公辟如污世之憚棄公優如途 法何好不擊何部不發突騎蜂集擾我朔方公底定之 文武百僚仰公為周吉父權閹扇虐如林斯焚我持 力靡績返服東厓有截其壁公立與偕再召而起資總 治險成莊爰貳邦教賢長協圖月上危言曰際明主陳 厥祥公降適期豈挺孤操聿賦宏才峨峨憲府坚秉大 爾銘曰奕奕大許維周之裔培根枝遂維百斯世爰發 洹詞

ブシアノしげん クラモ 周易程朱解二冊金陵梅損齊所藏也損齊既化其子 貧獸書以養祖母子在南雍以俸金易之損蘇名純字 書易程朱解後

文章家言所藏書皆手自抄校子在封部関其勞送 中都副留守不附中官罷歸問居十餘年卒狷介無與 之先世為指揮損為舉進士授知縣已更就指揮晉 餐必擇其人與其致禮然後食篤信程朱氏不好

史代之不受因記其行示兒革嘉靖壬辰秋九月已酉

一次足口: 十八子与一 銑記 書英粹於程氏然遺書雜於眾手文集間多闕佚未若 之所輯戴記之所存說苑之所极何其費詞與而小康 學者之讀論語也其猶庶物之育於造化乎餐其和為 之歎徳怨之報流於老氏然必七十子之傳也況其他 至飫不知其自也採其原若無涯不憚其難也若家語 秦漢而來皆知師孔氏用於世者其言無考窮而若 程文略序 洹詞

道而立訓故簡而一諸儒擬言而議道故煩而二皆為 易然於未濟斯天道之不窮乎風變於極斯人亂之可 論語之精也銳也用其管明效兹肬力輯為程志文略 爾 拯乎頌反於商斯文獎之復質乎春秋馴至於定哀天)略臆而采成则庶乎文約而功省銑也望諸後賢云 , 歸數闡儒教平切良行可名宋之一經矣夫聖人全 **獲麟解**

金りじんと言

及足の車を持一 毛詩之說關睢也曰憂在進賢無傷善之心美哉訓乎 湯武是故韶成而鳳儀周定而鳴鳥麟斯為孔氏之祥 春秋成而王綱明邪行懼民免於左衽道齊堯舜功倍 斯民與若曰紀異將與聽為蜚喊同孽非及常之論乎 錯而無章世糜而無紀物呈無徵妖作亂屏斯何時也 會郊獲麟麟治瑞也聖王之畜也其諸天之未絕意於 關睢解 洹詞 孟

持左右流之其嬪姊之屬與能事神者於人畢宜未得 一售而安於須故周之后妃廣於求助精在得媛宗廟之 術非專龍之充也雖然組纂之麗或傷於素容袂之良 之肥非獨知之致也承祀之益非一手之辨也目角之 而求之已得而樂之協彼家善以事一人志在相夫爾 或害於貞詢思之敏或傾於哲必將雖進而儷於配急 夫窈窕淑女徳莫茂馬君子好速配莫宜馬然而君家 忘其躬也樂乃有與爾略於色也夫公其心則合異以

文王九十七而終武王得年九十有三武王嗣位之十 善子一言而無者其如才乎是關睢之義也後之說關 懶存秦穆悔過求臣猶稱一个是則一言而治者其好 察通言比其化也岳孫帝位九官讓能及乎王澤大媳 之文王未親適如先畜嬖御豈太任之替於教與禮稱 睢者異馬曰官人樂得淑女以配君子則官人當何屬 易回列其黄属黄心古帝之聖曰堯曰舜事咨岳牧好 為同詩回白華管兮白茅東兮心的私則判戚而為敵

ちつこりにしてい

主

平理之常新隔世可推事之成陳徒女莫得今六經之 古馬爾 文缺為有問矣然風傳俗習裔制蝕器則近古者猶得 其音塵是故君子之學識其大者闕疑整舊慎乎其易 周公之追述道既無徵迹又近臆不其散乎文德與嗟 餘也豈有聖人而乃棘於色乎或曰蓋王季之嬪或曰 三年代紂中庸謂其未受命則文王之為父蓋南冠之 答薛君采論中庸凡書

といういとから 擬認景象則失之空寂中和一事也由動静而分無和 言加之講評何幸幸區區之愚非敢妄作求爲前人也 銑白昔温公通鑑成惟王勝之遍閱之揚雄作玄觀者 則非中矣此龜山延平之學非中庸之義也未章再舉 不的中和則戒懼者何物乎然舎戒懼求中專在靜坐 無靜無人無已息邪定躁體驗厥貞貞者何中和是也 譏其覆故僕讀中庸自識淺見用教兒童吾子諦覽方 庸修道之功在戒懼二言無內無外無顯無隱無動 渔祠

者五道九經之學也全盡靡欠約文為誠若白實理母 一話之口率自中說者乃抗為三聖傳心之要中庸誠曰 號也商民康教盤庚酶之日各設中蔡仲僅改行周公 夫中者事當可之名也誠者言不欺之謂也非高深之 世聖人因之闡楊示道編綴成章是字先而經後矣假 煩理性之辯也有是物則命是名有是名則立是字後 乃增其本無者乎夫皇吴設卦倉氏作字未有簡牘之

金ケロたノー

入德之序知自知微無惡不成已爾以盡戒懼之意馬

謹於習孟子充其端两義互資而後之說支而贅矣易 其全孟子指其本孔言靡人不符孟言有時而室孔子 之乎文有定體孔子謂天下所同又奚事於為哉孔子 日性相近孟子日性善先儒立氣質天地二義以調之 借云者雅稱之為雅之屬乃聲意相通各有定止若訓 後變為理氣又上移之太極陰陽無不然者夫孔子道 云學文游藝未云廢之況古人自八歲之後已習而孰 天為地假三為三可乎今回孔門當為說文則論語所

2/5.1 Dual 1.1.1.

洹訶

温公之信言不浮其行也邻子之隱探乃浚乎嘖也周 開太平法造化網罟之類是已說者移以訓理氣可乎 制用之肖似也易有聖人之道四馬器居其一利生民 變化夫顏子極仰鑚之勞斯見卓爾曾子力隨事之察 有序爾象山峇慈湖本心之問慈湖遂悟此心之廣大 為要豈一跳可致乎薛文清曰程子之傳道以其教人 子取老子有物混成一章而圖之是故主静為本無欲 曰形而上者 謂之道陰陽之流行也形而下者謂之器 欠こコンハルカー 越人問雪夏蟲疑冰乎誠見是也則吾子可刑老子解 僕可焚中庸凡矣僕勸吾子絕意老釋夫奇者異之奏 文故本原亡實見誠然誠然僕常自各近年浮心俗見 遺棄聖賢之傳授無之來諭謂僕不用心於內志於為 非右如貧數富財原非已有縱令當物不免屢空況乎 粗知解剥乃涉世深而讀書久然爾非古人本立道生 斯唯一道若所明止於靈所悟出於頓人已隔判事務 之超今都來言寔慊予懷不向自尋而玩討故文是左 둧

一母罪 之況下於彼者乎是說甚長兹不能盡愚言傷直矣幸 黄老得其精唐尚釋氏泥其迹宋儒以儒附於二氏如 龜山而下者是已然立行不折可為難矣朱子猶峻闢 事阜陶矢為九德箕子演為洪範老釋同乎異乎漢學 慎乎所以道人者昔帝舜命契曰五品命變以直温四 而流於私已學墨氏者未得其義而流於夷親故君子 也常者俗之厭也哲者衆之鄉也學楊氏者未得其仁 死是日子, 产了一 先兆序昭移吐音洪朗修容峻偉遭偷兒之厄已乃奇 未學即束書東歸從莆田張中受詩勤誦熟味功倍而 晉秋微而事勞先公綜助外內井井年二十有六悔其 之休天民弗克嗣以施於郡人先公少從先大父官於 威而民附之當過我後導予贊成政王公戚然曰先公 理融搞文貴簡書摹松雪喪用朱禮破堪與邪言改葬 郡太守王公治鄴之嗣年嚴法而原情斜散而與下 封大理評事王公暨配孺人胡氏墓志銘 洹詞 四十

先公狀貌釋之而請罪五十有一年入太學已受天民 修青乎服盜其逐侮乎故曰君子不出家而成教於國 懼亡暉揚也銑口夫人罔念其先罔以家視官至於列 他日王公造後渠請曰先公先此葬闕銘先生如之何 禮其起民乎祛邪言其定尚子貧裕其里操乎精具其 **夤縣世郡公知道夫幹衋其正節乎學詩其立治乎舉** 裕不施勤於內精於組糾酒廳之具此天民日夜疾心 推封評事先此孺人胡氏貞順為媛才決如士貧不窘

徴諸妻子兆奚宜河之溪我銘與河洋只 子三人長即郡公次俊民又次秀民俱邑學生女二 鉄曰公母替前日之思斯銘矣評事公山東魚臺人 壻白鸞劉儒孫男十二人女八人銘曰道而居順而止 徳十四年十二月十八日卒享年若干封君再取馬戌 母程氏嘉靖五年八月十八日卒享年若干胡孺人正 **銓字汝器曾祖斌祖友世以淳徳聞父英官將仕佐郎** SANDING THE 贈中丞黄公伯魁歸序 袒詞 四十二

尚下孤趙而上介推伸四皓而抑三傑已受賤於異端 志士歎臣節之不立致主憑之靡託闡揚幽滯標表清 季以來卿相大夫食學固位際身而亂邦者何限良史 之故臣自重君斯賢之矣臣見重國斯昌馬矣然自周 為忠存其防則退可也予當覽完古昔之文考核與替 秩之天也進退之洪立之間也用舎之審相之宜也天 放言嘲哂創立殊稱果父許由上誣堯矣夫君臣之交 君之於臣以用為禮遂其志則舎可也臣之事君以進

我而鮮貧殍政簡而括體静而威吏民成安將有鼎鼓 老故曰萬邦黎獻共惟帝臣而都御史後齊黄公伯魁 登善拔英罔拘階序近者揀尺材於廢棄搜餘力於者 獻之力辭貴將奚驕位不能餌人主翻然而禮下懦夫 勃然而奮志易損之頤曰利貞弗損益之斯義也可不 上疏東歸黄公在給舍摧強枉而顯忠直在巡撫的兵 明於臣乎今聖人在位嘉靖兹世修禮正樂問安簡陋 不可易開不可輸宜不可覆昔者錢宣靖之勇退崔清 海 詞

次定四車全書 一

- <u>막</u>-

諱鴻儒字懋學曰舉人張氏諱景純字文粹段公之教 成化中容思先生段公之治南陽脱畧簿書宣揚教化 善頌於作者專使持述德之章來我後渠俾係一言云 宋子而下留公已難違公不樂思永公名於後人須發 拔才於幽夐流貞於閨闥作士二人馬曰文莊公王公 爾 之授乃遽敛帆於順流包澤於尚往晉省諸君自方伯 王文莊公文集序

火正四年人王寺 然是故詩達為抱因溢真也文切事理因挹泛也接典 古昔不謬方名旁舉解隱若稱章句發興喻物咸成斐 客博貫百氏本主六經張氏未仕而卒文莊公起進士 相時問問協也正該申古問鏤細也可以翼經可以神 容思也言擬行模心融處審两公咸資稟良為思致精 於南政有繁簡地分通逃而服儒誦書弗因官報暗述 為地官即出督學政入晋監師已貳太宰於北守司徒 兩公也開發軌達聖涂俗習濫詞一切刮剥兩公之學 渔詞 四五

貴願如困葛萬受嚴却介之義薦絕養交之私上下亦 夫南京國子祭酒致仕相臺崔銑序 步必優之是時邊武得權政門煩雜公窺憂飲泣雖在 屢侍公談廳測厥縣公置朗光大言無支浮目所真朝 其少弟懋徳守廬粹而梓馬往者銑在翰林公守少军 近咸稱為大雅君子云嘉靖癸巳春正月甲寅朝列, 傳可以播實序可以真官仕文莊公既殁之十有四年 治河總考序 卷七

夏邑之沁道趙皮之瀦又命前御史劉隅氏輯河書開 謂河之災豫修塞勞煩足當一邊之擾既擇才而任脱 息國家都熊輓江南之粟上下咸寄命馬既賴河以利 三年輛決夷屋寢畝飄資湯生天子親沈璧馬臨水太 能行之勇力之腐舌刮齒焦心銷骨多者十數年少者 雖曰十有三載乃績然不能絕後害自漢以來知議之 封顧守鐸刻板畢登良策可稽而法馬嗟乎聖神如禹 訪卷吳公静之巡撫河南之喻年貞度的務體宏理密

久己り見とき

四十四

費而蠲其租民亦樂從沉並河之田有填於之饒可相 然沙積地高道然後塞升沙並岸水至復然萬人之功 之災不暇恤矣夫濬故道分横流而後安舎是無策矣 易乎夫物散有因水决以漸此塞彼行非由齊發蟻穴 水爭母犯水怒母情棄田母阻多口所占田廬量給之 付於烏有不若隨勢相宜別就奏下之利而道之毋與 舟楫亦恐其遂噹漕渠栗至稍後舉國困憊一邑一 可以毀防線除可以崩郭故貴乎先事而備一歲不溢

SAN DEST PER PRINT 價非利公家子今夫農之作垣也其基厚其上塗題畚 其才官設之分不專其任卷埽築堤站且茍完買逸騰 遂幸無為玩日喝月坐待其不支況乎遷代之速不盡 夫事莫成於循平莫敗於幸使夫心莫寧於亡耀莫競 春二月辛已相臺崔銑序 破百金不月而摧何哉農自為而官為人也嘉靖癸巳 孔良築削孔力雖遭秋霖之濟無傷毫末官府作墉或 新開路安府治記

層屍戊子秋朝廷遣將合其豫之兵征之河南憲臣潘 黎之郊山西憲臣乃溢其事凱成奇績反敗於賊殺官 比善者林之害已過半矣臣乎可不慎動與初青羊之 於後取任獨知則激通情激通情則覆道軌其無害乎 剽村墟出没路懷衛相之交将及五紀非有弓矢戈騎 民習於盜而恃其險聚則鳥叢散則鼠伏持挺為器潜 公填取謀用間始入其阻己共肆厥伐旬日底寧無亡 之利破城殘邑一有司可制之嘉靖丁亥贼劫恩村及

今大宗伯夏公言奉部勘實止枉劉革冒實降實德夏 次足口事 是議上錫府名日潞安舊統六縣復增其二附郭曰長 我固是險實被其腹心又四年為壬辰內外謀協盡行 羊之陀玉峽虹梯並立二關蜡溪玉斗白雲各設巡檢 客統任其穴於要害凡皆未宜今當陞州曰府立縣青 錄之費皇上至明大仁志存安輯又命兵科都給事中 唐皇皆為別駕今建州置官體勢尚輕盜居幽左靡所 公已上議謂路本嚴郡古號上黨大都偶那勁卒起込 海

慎封美化一之於中和夫政御民之轡也禮運轡之手 之失道亦以資霸強蔽好完開府之計將以選受循良 贏利藩姓蕃息軍校錯居各修其所尚俗故儉漸流則 主狹而農動厥地萬寒歲止一入業於機杼之攻商操 柳俸功大宗伯之發石畫減恩長等可混登載乎夫路 **还陳公達命知府宋圭氏刻石紀由曰兹舉也明主之** 治青羊口平順官署備府制惟減附縣之學癸已春中 奢性本堅易之則悍御之得道可以衛京師控河朔御

於天力強志肅盡义春華期級秋實至要維被疇繁不 次下可言へ計画 學以用其些齊於制以定其錯故難遂教農桑而勃之 只曾祭天哉聖學七十從心汝齒重長逾五望六幸右 歲月代新徳業惟舊老已及之伊何是咎死而後已毅 亂理矣文翁與襲學而變蜀之恆矣 也是故上本下末可與守儉道庶與讓可與言恭正之 自慎 渔詞

若省府宣威宣利夷大説服平普安之亂遂調為長治 成進士出知江陰劇地健訟南北各性公辟奸踣惡王 **陞鎮寧知州夷服無民無城止部洞蠻公直淮其次安** 萬學士結權獨共擀罷軍尹公思公為尹鄉人留一年 高革面静守恪附邑更簡順徵入內臺例得御史內閣 嗚呼黄公以正統丙辰七月廿有七日生幼而顏長而 とりにたと言 文壯富於學成化甲午始由太學生得舉又六年辛丑 杭州同知黄公暨配宜人張氏墓志銘

次とりうことはう 相甲早死表色學生宜人二女将郭鏞張是適呼許張 未來濟陽祖曰思禮父曰銘公諱連字汝器配張氏勤 **欺泅脱戎籍公察斜源獎咸增干人行伍充實弘治辛** 於績工助公孝祀念公未子陰納貳室萬里架行往候 日卒生正統已未二月二十有六日子臣側室王三子 酉正月廿有一日卒於任公先世盱眙人曾祖曰成元 如鎮寧撫公臺史界上厥最晉杭州同知清軍杭素巧 公疾留妄而還成厥子之業正徳戊寅六月二十有九 酒詞 四十八

林拜給事中今為左布政使當就傅公授之訓曰吾莫 彭卿肆大戲明我尚由衷施於鬼邦宜妻宜嗣引聞風 雖至戚為謝不解伯鄰沉介而通恪恭而毅探古發言 際實免厥就宜人慈子不狗策進警解當其斤子之過 乃舉女幸女異資尚績於詩書取其道以提身詞耳徼 **廷者劉氏出也孫男一人女四人臣字伯鄰進士入翰** 銘詞曰太史聿咨咨我黄公胡室厥逢痼淚乃躬彼忌 妙思通理在給事再歸養毋宜人巳葬十五年請錄補

子グロバノーで

灰足四車/三 渢 靖癸已四月十有九日閲三十有六年公次子錦衣時 請銑文隧左之石銑少聞先君子稱公有文武大畧後 **裹敏公以弘治戊午十二月一** ,翰林多以任術毀公者正德初修孝皇實錄得 日已錫贈諡遣官治葬事西涯李相公為志令嘉 敏王公神道碑 少保兼太子太傅都察院左都御史贈太傅諡 渔詞 日卒於邊上震悼為輟 四九

史考公守邊甚偉夫忌功娟才心像於戈戟子曰斯民 嚴臨吏苛切公能當其意超拜山東按察使天順癸未 祖曰恕考曰順皆贈太傅威寧伯後贈光禄大夫柱國 也三代之所以直道而行何其不驗於今小人茍利其 京闡明年辛未第進士授監察御史左都御史寇公性 **圖雖殺身因畏奚有於國已為公立傳騰諸石室茲掇** 其凡以告濟人云公諱越字世昌濬邑人曾祖曰顯道 太子太保左都御史三世此皆贈夫人景泰庚午舉干

えいとしし たっこ

たな日うしい 戍守後弛防寇遂占居出没無時邊坐茲大困矣已公 力墾田修城後勉入居河套河套者河之隈也廣義數 為限水凍而入冰欲解而去邊入止防秋冬春夏以餘 寅奉命自延綏出塞至崖窯川擒賊四十人斬首百級 為右副都御史果能飭兵退敵成化丁亥召掌院事真 大同有警英皇自公為御史偉其貌及奏對暢朗遂用 千里草卉豐茂產獸肥美前代及國初累砌城壘置兵 進左又以斬冠功再進左都御史初冠居沙漠以黄河

金少世是生意 糧畫伏夜行每二舍伏兵數百人使休行四日天未明 兵起又與戰鬼再遇伏知我有備大働渡河而追自是 哭聲登于天老力追軍公結陳徐行殿者與戰及前伏 至寇帳萬騎齊跳之從火且擊且射斬首三百級奪其 謀知沒它掠遗老弱于廬選精騎萬餘自出塞齎七日 邊無患者二十年甲午加公太子少保增從一品禄掌 馬牛羊器無案數紀盤穴於如無遺比午冠自外超歸 院事公抗言將士功大賞輕乞移已官賞之不報丁酉

次足口了一十二 許還濟甲寅後左都御史致仕丁已陝西三邊大擾的 作詩怨望罷公為民適居安陸弘治初公上疏想冤部 封威寧伯仍兼都御史辛丑出寧夏又佩將軍印名總 閣萬學士忌公功名太盛臺臣承其意論公生事邊塞 兵鎮大同移鎮延綏計功太子太傅歲增禄四百石内 出大同襲破威寧海擒敵男女百七十人斬首四百級 加太子太保兵部尚書兼左都御史庚子同太監汪直 加太子太保總制寧夏甘肅軍事入見孝皇禮費稠渥 酒詞

七十有三公安表英奇遇事慷慨自許聞解至決無俟 兼太子太傅又言哈客屏我為外防向為吐魯當所破 又出塞襲斬賀蘭居點一百人還所掠人畜兵械加少保 梁班孫男八人女五人公生宣德丙午十一月五日壽 四長春次時皆錦衣指揮食事次昊次听女適都指揮 公兩取孫氏終取陳氏後孫氏封淑人餘贈封夫人子 公卒後西夏不靖至許襄毅克復哈密乃定如公策云 逐其王今吐魯引罪獻所侵地宜封故王以守未報而

ノンドベル・アン・ファー

名云自漢以來文儒矩臣不足與議兵往往別求雄豪 授史曲當理情為詩跌宕快與能道人意中事間者解 勢定諸胸臆談如示掌出奇取捷慮成而發必中顛倒 度謀久府帥寄身自歷戰邊徽險易怒情真偽將品士 スニョラムショ **更駕之才夫君相者天下之樞君明相忠準天惟人則** 順在院舉御史屠滽作鍾楊守隨王濬可大用後皆著 才知系馴辯强皆樂為之用又精吏事判案章奏口占 成用情劑量才受裁抑過舉彼大展明堂豈一樣之 洹詞 五十二

載酒句泣鬼神邊再不寧勤公載託嗟公老矣遽翻冥 金ラヒ匠 漠嗟嗟邊冠会熾如炎誰其通之不畏其恢軍亦罷止 自不敢奇事生疑累功起嫉滔滔漢江公宅其瀬吉祥 犁掃遠逐西域底寧二十餘裸庶幾寝兵嗟兵猶火焚 憲荒徽治戎兵不大創侵侮不絕我甲我胄往擣其穴 皇至勤立馬陰玄夏哉大漠絕却狼煙惟豐而解惟思 是事窟虎堂門謂可馴只英英太傅天子才雄肅臺東 任邪銘曰大明御天道邁干古復我文明統一家宇文

TOTAL MINE COLOR 五十三

- -

洹詞卷七			A PARTY OF THE PAR
-			卷七